


景鈔元本綱鑑外紀

卅下





重新校正集註附音資治通鑑外紀卷之四

外紀

劉恕

文武

姜原履巨人跡生棄

棄為農師

其先祖后稷名棄其母有邠氏女曰姜原韓詩章句曰

曰姜原姜原為帝嚳元妃出野見巨人跡心忻然說而

踐之踐之而身動如孕者居期而生子以為不祥棄之

隘巷索隱曰已下皆詩大雅馬牛過者皆辟不踐徙置

之林中適會山林多人遷之又棄於渠中冰上飛鳥以

其翼覆之姜原以為神遂收養長之初欲棄之因名曰

棄棄為兒時屹如巨人之志其遊戲好種樹也猶植麻菽

及為成人遂好耕農相地之宜宜穀者稼穡焉民皆法

則之帝堯聞之舉為農師天下得其利有功封於邠音

索隱曰即詩生民號曰后稷別姓姬氏后稷卒子不窋

公劉脩后稷之業

古公積德行義

太伯虞仲

立密都不窋卒子鞠立鞠卒子公劉立公劉雖在戎狄之間復脩后稷之業百姓懷之多徙而保焉周道之興實自此始公劉卒子慶節立國於豳徐廣曰新平漆縣之東北有豳亭慶節卒子皇僕立皇僕卒子差弗立差弗卒子毀隃立隃音毀隃卒子公非立公非卒子高圉立高圉卒子亞圉立亞圉卒子公叔祖立公叔祖卒子古公亶父立古公亶父復脩后稷公劉之業積德行義國人皆戴之薰鬻戎狄攻之古公遂去豳渡漆沮徐廣曰水在杜陽岐山杜陽縣在扶風踰梁山止於岐山之下徐廣曰山在扶風美陽西北其南有周原皇甫謐曰邑於周地故曰豳豳人舉國扶老携弱盡歸古公於岐下及他旁國聞古公賢亦多歸之古公有長子曰太伯次曰虞仲其妃太姜生少子季歷季歷娶太任皆賢婦人太任生子昌有聖瑞太伯虞仲知古公欲立季歷以傳昌二人

周紀

文王立

尊呂望為太公

虞芮來賓

乃亡如荆蠻文身斷髮應劭曰常在水中故斷其髮文其象龍子故不見復用以讓季歷古公卒季歷立是為王季修古公遺道篤於仁義諸侯順之王季卒子昌立是為四伯即文王也史

紀周

文王既立伯夷叔齊孤竹君之子也讓國不仕出本傳聞西伯善養老盍往歸之太顛閎夭散宜生鬻鬻子辛甲之徒皆往歸之出本

紀。呂望已年八十餘釣于渭水四伯出獵而載之以歸尊為太公出齊崇侯虎譖西伯於殷紂紂乃囚西伯於羑里閎夭之徒患之乃求有莘氏美女驪戎之文馬驪音有熊之九駟及奇恠之物因殷嬖臣費仲而獻之紂紂大悅曰此一物足以釋西

伯索隱曰一物謂有莘氏之美女也况其多乎乃赦西伯賜之弓矢斧鉞使西伯得征伐西伯陰行善諸侯皆來決平。於是虞芮之人有獄不能決乃如周入界耕者皆讓畔民俗皆讓長虞芮之人未見

伯索隱曰一物謂有莘氏之美女也况其多乎乃赦西伯賜之弓矢斧鉞使西

伯得征伐西伯陰行善諸侯皆來決平。於是虞芮之人有獄不能決乃如周入界耕者皆讓畔民俗皆讓長虞芮之人未見

立武王

白魚入舟

西伯皆慙相謂曰吾所爭周人所耻何往為祗取辱耳以上並出史周
 遂還俱讓其田而不取漢南諸侯歸者四十國諸侯以西伯
 為受命之君以是年為受命之年受命凡九年壽九十七西伯
 崩太子發立是為武王出史本紀。武王既立以太公望為師周公
 旦為輔出史本紀曰武王之弟也召公奭畢公高皆姬姓之徒皆左右
 武王參周世家文率修文王緒業時商紂無道九年卿文王武王東
 觀音貫示兵至于盟津音孟渡河中流白魚躍入王舟中曰馬融
 者介鱗之物兵象也白者殷家之正色言殷之兵象與周之象也武王俯取以祭既渡有火自
 上復于下至于王屋流為烏其色赤其聲魄居屋流也魄然
安定意也鄭玄曰書說云烏有孝名武王卒著大業故烏瑞臻赤者周之正色也是時諸侯不期而會
 盟津者八百諸侯皆曰紂可伐矣武王曰女未知天命未可
 乃還帥而歸居二年聞紂暴虐滋甚殺王子比干囚箕子
 微子乃抱其樂器而犇音奔周於是徧告諸侯曰殷有

周紀

師渡盟津

伯夷叔齊叩馬諫

以不伐乃東伐紂出史本紀。十一年十二月戊午師畢渡盟津諸
 侯咸會陳師牧野帝紂聞武王來亦發兵七十萬人拒武王武
 王使師尚父與百夫致師周禮環人掌致師鄭玄曰致師者致敵
之士犯敵焉以大卒馳帝紂師紂師雖眾皆無戰心武王亟入紂師
 紂師皆倒兵不戰以開武王武王馳之紂兵皆崩畔紂走反入
 登於鹿臺之上衣其珠玉自燔于火而死武王斬紂頭懸大白
 之旗於是諸侯尊武王為天子出史本紀。初武王伐紂伯夷叔
 齊叩馬諫曰父死不葬爰及于戈可謂孝乎以臣弑君可謂仁
 乎左右欲殺之太公曰義人也扶而去之及武王定天下天下
 宗周伯夷叔齊耻之不食周粟餓死於首陽山出史本傳
 怨曰易稱湯武革命應乎天而順乎人孔子曰伯夷叔齊求
 仁而得仁又誰怨二者意殊志戾蓋言湯武所以懼後世之
 為人君者稱夷齊所以戒後人之為人臣者道悖而同歸雖

之十七

萬世無弊焉

散財發粟

封聖賢之後

姓封同

元年武王為殷初定未集乃使其弟管叔鮮蔡叔度相紂之子
武庚治殷已而命召公釋箕子之囚命畢公釋百姓之囚表商
容之間命南宮括散鹿臺之財發鉅橋之粟以振貧弱吐隸命
南宮括史佚展九鼎寶玉命閔天封比干之墓命宗祝饗祠于
軍乃罷兵西歸武王追思元聖乃褒封神農之後於焦黃帝之
後于祝帝堯之後於薊諳帝舜之後於陳大禹之後於杞於是
封功臣謀士而師尚父為首封於營丘曰齊封周公於曲阜曰
魯召公奭於北燕出史本紀畢公高於畢出魏弟叔鮮於管叔
度於蔡叔振鐸於曹叔武於邲叔處於霍康叔封封康叔聃季
載皆少未封出管蔡兼制天下立七十一國封兄弟之國十五
人姬姓之國四十人周之子孫不狂惑者皆為諸侯左昭公武
有天下其兄弟之國者四十有武王既勝殷乃改正朔以建子月

周紀

留周公佐王

歸馬放牛

肅慎氏貢矢

為正月色尚青服以冕禮見前王親虛已問箕子殷所以云曰
吾殺紂是與非與音箕子不忍言殷惡而王亦醜之乃問以天
道作洪範封箕子於朝鮮而不臣也出史周紀餘各以次受封
出本班賜宗彝分殷之器物於諸侯出史紀又書武王既勝殷
惟周公留周佐王出魯王謂周公曰自洛汭延于伊之汭居易
無固其有夏之居索隱曰言自洛汭及伊汭其地我南望三塗
北望獄索隱曰却都顧瞻有河粵瞻伊洛母遠天室將營
周居於洛邑縱馬於華山之陽放牛於桃林之野偃干戈振兵
釋旅出史釁鼓旗甲兵藏之府庫示天下不復用通道於九夷
八蠻各以其方賄來貢使無忘職業肅慎氏貢楛矢楛音石砮
其長尺有咫王欲昭其令德之致遠以示後人使永監焉故銘
其括曰肅慎氏之貢矢並出國分同姓以珍玉展親也分異姓
以遠方之職貢使無忘厥服也書旅王乃昭德之致于異姓

獻國時。二年王有疾周公為壇告太王季文王請代武王之死周公乃以卜書藏於金滕櫃中王疾瘳出書金滕武王遷都于鄘而文王之廟乃在豐武王樂曰大武出書樂記武王崩壽年九十三太子誦立出史本紀


成王

諱誦武王之子也即位年十三

周公居攝
二叔流言
周公東征

元年周公居冢宰以王年幼恐天下叛乃攝政代王當國南面負宸以朝諸侯成王將冠周公命史雍頌曰近於民遠于佞近於義雷於時任賢使能朝于祖以見諸侯管叔蔡叔霍叔皆文流言曰公將不利於孺子奄君奄音掩武謂武庚曰此百世一時也請舉事武庚從之與管叔蔡叔等同反出史周記明堂位及史同多不周公乃作大誥奉王命以討之曰天降威知我國有疵痼謂管叔蔡叔以王室之親反為王室之病出書本篇。二年周公居東討武庚管叔誅之

周紀



剪桐戲封
周公制禮作樂

放蔡叔於郭鄰降霍叔為庶人遂定奄及淮夷東土以寧出書蔡仲命方流言之初成王亦疑周公及開金滕見請代武王之事乃感泣迎周公歸既誅武庚乃封微子以代殷後國號宋用殷之禮榮於周為客而不臣謂待以賓客之禮出書金滕及史宋出家。五年王與其弟叔虞削桐葉為珪戲曰吾以此封若史佚請擇日王曰吾與之戲爾史佚曰天子無戲言言則史書之禮成之樂歌之遂封叔虞於堯之故墟曰唐侯唐其後為晉春秋之世晉始大嘗主諸侯盟出史晉出家。六年周公朝諸侯於明堂制禮作樂頒度量而天下大服周公作樂曰勺言能勺先祖之道也又作樂曰武以象武王伐紂之武功出史明堂位樂記。交趾南有越裳氏重譯音跡而獻曰道路悠遠山川阻深恐一使不通故重三譯而來朝周公曰德澤不加君子不饗其質政令不施君子不臣其人譯曰吾受命吾國之黃者曰天之無烈風淫雨海不揚波三年矣意者中國有聖人乎

指南
車先
導

卜世
三十

周公
營洛

蓋往朝之周公歸之於王稱先王靈神致薦于宮廟使者迷其
歸路周公錫以駟車五乘皆為向南之制越裳使者載之由扶
南林邑海際暮年而至其國故指南車常為先導示有以服遠
人而正四方出後漢南蠻傳漢地理有交趾郡本南粵之地武
帝元鼎六年置越裳之國又在其南通兩番之語
者謂過三國也者曰譯重三譯七年初武王作邑於鎬京謂之宗周是為西都
將營成周居於洛邑而未果至是成王欲如武王之志定鼎于
郊鄆卜曰傳世三十歷年七百其後傳世三十七歷年八百有
餘故曰周過其歷出史周紀及
公左宣

恕曰後世謂左氏在周末亡之前逆知享國之年時之興廢
專歸於術捨棄德政不亦野哉汲冢紀西周二百五十七年
通東周適合七百之數而三統曆西周三百五十二年并東
周八百餘年乃曰周過其曆是前後錯繆不可彊通者也
是年二月使召公先相宅二月周公至洛興工營築謂之王城

周紀

周公
歸政

立九
府圜
法

周公
留輔
召公
不悅

是為東都方千七百二十丈郭方十七里南繫于洛水北因于
郊山以為天下之所湊制為郊甸方六百里因西土為千里分
為百縣縣為四都都有鄙井四并為邑四邑為丘四丘為縣四
縣為都外紀
所載不同曰此天下之中四方入貢道里均也周公又營成
周成王居洛邑洛邑城謂
各為城遷殷頑民於成周復還歸西都出史
周紀
成王長能聽政十二月周公歸政於成王成王臨朝周公北面
就臣位出史
本紀。初虞夏商之世幣金有三品或黃或白或赤或
錢或布或刀或龜貝至是太公望乃立九府圜法李奇曰圜即
錢也圜一
而重九兩師古曰此說邦也周官大府玉府內府外府泉府天
府戰內戰金戰幣皆掌財幣之官故云九府圜謂均而通也
錢圜函方輕重以銖布帛廣二尺二寸為幅長四丈為匹故貨
寶於金利於刀流於泉布於布束於帛出前食
貨志周公留輔成王
召公奭不悅周公作書告之以明本意出史
本紀王嘗問於史佚曰
何德而民親其上對曰使之以時而敬順之忠而愛之布令信

而不食言如臨深婦如履薄水王曰懼哉對曰天地之間四海之內善之則臣不善則讎也夏殷之民讎桀紂而臣湯武若之何其不懼也在位三十七年崩外紀不言壽年據即太子釗立出史

康王

諱釗成王之子也

諸侯來朝

召公甘棠

元年初王即位諸侯來朝王作康誥以告之由是諸侯率服十二年命畢公保釐成周出書釐初召公治西方甚得民和有司請召民召公曰不勞一身而勞百姓非吾先君文王之志也乃巡行鄉邑聽斷於隴陌阡畝之間廬於棠樹之下以垂桑耕種之時乃弛獄出拘民使得反業自侯伯至庶人無失職者及召公卒人思其政懷棠樹不忍伐出史作甘棠之詩歌詠之出史家此蓋文王時事外紀王朝諸侯於豐宮左昭公叔卒曰成編之於此故以初字序

周紀

刑指不用

康之際天下太平出史刑措四十餘年不用出史在位二十六年崩子瑕立不具壽年

昭王

諱瑕康王之子也

元年周道漸衰月有光五色貫紫微井水溢王巡狩返濟漢漢濱人以膠膠船王至中流膠液王及祭公皆溺死左傳在位五十一年崩不具壽年子滿立出史

穆王

諱滿昭王之子也立年已五十矣

徐夷作亂 偃王 偃號

元年王立之後徐夷作亂率九夷以伐宗周西至河上穆王畏其偪分命東方諸侯徐子主之徐子贏姓地方五百里行仁義得朱弓矢自以為得天瑞乃稱偃王陸地而朝者三十六國王正西巡狩樂而忘返聞徐子偃號乃命造父為御而歸以救偃

作祥刑之書

王之亂命楚伐徐徐子愛民無權不思鬪乃北走彭城百姓隨之以萬數徐子將死曰吾賴於文德而不明武備故至此出史天子傳穆王乃以趙城封造父其族由此為趙氏祖也出史家穆王將征犬戎祭公謀父韋昭曰祭公周公也諫不聽王征之得四白狼四白鹿以歸自是荒服者不至出語王又命呂侯作祥刑之書作刑以誥四方出史在位五十五年崩具壽子繫扈立出史

共王

諱繫扈穆王之子也

王滅密

元年游於涇密康公從諱昭曰康公密也密有三女奔密康公公受之而不獻于王王滅密出史在位十年崩壽年八十四子囂立出史

懿王

周紀

詩人作刺

諱囂共王之子也
元年是時王室既衰詩人作刺詩無懿王之詩史記所載蓋在位二十五年崩壽年五十弟辟方立出史

孝王

諱辟方懿王之弟也

元年自懿王以來德政不修詩人作詩譏刺至是王室愈微七年大雹牛馬死江漢俱凍出史有非子者善養馬王封為附庸之君邑於秦也出史秦記在位十五年崩壽年六十五子燹立出史

夷王

諱燹孝王之子也

下堂見諸侯

元年觀禮不明王始下堂而見諸侯荒服不朝命虢公帥六師伐太原之戎至于俞泉獲馬千匹出史在位十六年崩壽年六

十子胡立出史記

厲王

諱胡夷王之子也

榮夷公好利

使衛巫監謗

王出奔彘

元年王為人暴虐無道淮夷入寇王命虢仲征之不克王好任榮夷公大夫芮良夫諫曰夫利百物之所生也天地之所載也而或專之其害多矣匹夫專利猶謂之盜王而行之其歸鮮矣榮公若用周必敗既榮公為卿士諸侯不享出國語。詩之變雅始作。王行侈傲國人謗王出史記。召公告曰作諫。民不堪命矣王怒得衛巫使監謗以告則殺之國人莫敢言道路以目韓昭曰以目相睹而已。王喜告召公曰吾能弭謗矣召公曰是障之也夫民慮之於心而宣之於口成而行之胡可壅也出國語。今王塞下之口而遂上之過恐為社稷憂王不聽於是國莫敢出言王心戾虐萬民弗忍後二年乃相與畔襲王王出奔于彘出史記。王

周紀

在彘不敢歸二相周公召公不是周公旦召公奭相以太子靜尚幼乃相與和協共理國事故稱共和王崩于彘出史記

共和

元年二相共理國事晉釐侯儉不中禮由是唐之變風始作十四年厲王崩于彘太子靜長於召公家二相共立之為宣王出史記

宣王

諱靜厲王之子也

任申伯仲山甫不籍千畝

元年周公召公輔王修政法文武成康之遺風出史記。王命召公伐平淮夷申伯仲山甫順天下更失理喻德教舉還土海內翕然向風諸侯復宗周尹吉甫作詩美之王不籍千畝虢公諫曰氏之大事在農故稷為大官今欲脩先王之緒而棄其大功置神之祀困民乏財將何以求福用民王不聽出國語。周語千畝謂天子躬耕籍田

勤於政事

料民太原

殺杜伯

以勸。二十二年王嘗晏起姜后脫簪珥待罪於永巷使其傳
母通言於王曰王樂色而忘德失禮而晏起亂之興自婢子始
敢請罪王曰寡人不德實自生過非夫人之罪也自是勤於政
事早朝晏罷卒成中興之名也永巷內庭之室也替珥冠以首飾
責如此出東漢皇后傳。三十九年戰于千畝王師敗績于姜氏之戎昭
曰西夷豹種四岳之後王既喪南國之師乃料民於太原仲山甫諫曰史
紀古者不料民而知其多少且無故而料民天所惡也害於政
而妨於後嗣王卒料之料謂簡料其數知多寡也以上出周語。四十六年初王
將殺其臣杜伯而非其罪伯之友左儒爭之于王九復之而王
不許王曰汝別君而異友也儒曰君道友逆則順君以誅友友
道君逆則師友以違君王怒曰易而言則生不易則死儒曰士
不枉義以從死不易言以求生臣能明君之過以正杜伯之無
罪王殺杜伯左儒死之在位三十七年崩外紀不子宮立出

周紀

記

幽王

諱宮涅宣王之子也

元年王無道趙奄父周大之子叔帶去周如晉始建趙氏於晉

出史趙世家。二年西州三川皆震伯陽父曰昔伊洛竭而夏亡河

竭而商亡今周德若二代之季矣其川源又塞塞必竭川竭山

必崩國亡不過十年數之紀也韋昭曰數起於一終於三是歲三

川竭岐山崩出國語初夏之衰也褒人之神化為二龍以伺王

庭而言曰余褒之二君也夏后卜殺之止之莫吉卜請其瘞而

藏之吉韋昭曰蔡龍所吐沫二龍之精氣也乃布幣而策告之韋昭曰以簡策之

也龍亡瘞在櫝而藏之傳及殷周莫之發也厲王之未發而觀

之瘞流于庭不可除也王使婦人不帷而諫之化為玄黿索隱

亦作蜃音元入于王府府之童妾未既齒而遭之齒未盡

龍瘞之妖

山崩川竭

五十四

進褒姒

舉火戲諸侯
號石父用事

既笄而孕當宣王時而生不夫而育懼而棄之時童謠曰檠弧箕服實亡周國有夫婦鬻鬻是器者王使執而戮之逃於道而見鄉音者後宮童妾所棄妖子夫婦哀其夜號而取之逸逃于褒褒人褒姒也人名有獄而入是女於王王遂置之嬖捨弃女子出於褒是為褒姒。二年王之後宮見褒姒而嬖愛之褒姒年十四與號石父比而諧申后太子。周大夫尹氏及祭公導王為非尹氏出卿故稱氏祭公。九年王竟以號石父褒姒之諧廢申后及太子宜曰以褒姒為后以其子伯服為太子宜曰出奔申太史伯陽曰既成矣音無可柰何褒姒不好笑王說之萬方故不笑王與諸侯約有寇至舉烽火為信則舉兵求援王欲褒姒笑乃無故舉火諸侯悉至至而無寇褒姒大笑褒姒好聞裂繒聲王發繒裂之以適其意。號石父為人佞善諛好利余作讖王以為卿用事專任國人皆怨叛洽多邪諸侯或畔王室

周紀

犬戎殺幽王

秦國始大

始騷。王嘗為太室之盟戎狄叛之。十一年王欲殺故太子宜曰求之於申申侯弗予王伐之申侯與鄆人召西夷犬戎伐王王舉烽火徵兵兵莫至在位二十三年犬戎遂殺王于驪山下虜褒姒并殺鄭桓公盡取周寶賂而去諸侯即申國立故太宜曰是為平王以奉周祀出史

怨曰汲冢紀年曰幽王死申侯立平王於申號公立王子余二王並立余為晉文侯所殺是為雋王與舊史不同

秦襄公衛武公將兵救周平戎戰甚力有功衛康叔之後康叔武王弟也秦伯益之後也秦由此取周所棄之地國始大卒併諸侯代周而有天下出史秦紀及衛世家

平王

諱宜曰幽王之子也

元年是時幽王既為犬戎所殺豐鄆通近戎狄不可居乃東遷

東遷
于洛

齊楚
秦晉
漸大

魯隱
公立

隱公
不書
即位

都于洛邑自都洛邑之後王室微弱號令不行於諸侯政由方伯齊楚秦晉漸大以上事意見史紀齊太公呂望之後楚之先黃帝之後周初有鬻熊事文王成王之時封其子熊繹于楚姓羊氏音羊秦伯益之後姓嬴氏周孝王時有非子者善養馬孝王封為附庸諸侯邑於秦晉之先唐叔虞蓋武王之子也成王與唐叔戲剪桐為珪於是封叔虞於唐國又號晉更歷春秋之世此四國更相征伐天子不能制以上出史齊楚秦晉世家○四十八年魯惠公庶子息姑立是為隱公隱公以此年立明年方改元出魯世家恕曰春秋隱公不書即位左氏曰攝也公羊曰隱長而賢諸大夫立之凡隱之立為相也穀梁曰君之不取為公將以讓相也夫非已有而總其事謂之攝已有之而推與人謂之讓惠公愛少子而立為太子公薨國人不與而立隱公隱公嘗曰吾將讓焉而眷戀君位莫能踐言羽父伺其間隙而遂成

周紀

篡奪虛辭兆禍隱實為之

孔子
脩春秋

四十九年魯隱公元年也魯周公伯禽之後天子微弱賞罰不行孔子脩春秋始於魯隱公元年蓋寓褒貶於賞罰以正一王之法以上事意見魯及孔子世家在位五十一年崩外紀不詳平王崩太子之子林立出史

相王

諱林平王之孫也

鄭射
王中

九年魯相公元年也衛州吁弑其君自立國人殺之出左○十三年伐鄭鄭與王戰射王中肩王亦能軍鄭人遺使謝勞出左鄭之先宣王之弟也宣王封於鄭為伯爵出鄭世家二十三年魯莊公元年也在位二十二年崩外紀不詳子佗立出史

如曰西周昭王始衰至厲王而大壞宣王振修紀綱天下翕然宗周幽王無道平王東遷晉鄭夾輔諸侯賓從自相王伐

論天子威令下國同列

鄭師敗王傷天子威令下同列國吳楚越本小國而迭為盟主東周之王無中主之才歷二十世至赧王卒滅亡詩曰不吊昊天亂靡有定式月斯生俾民不寧言天下亂日益甚也

莊王諱佗相王之子也

齊小白歸國

三年周公黑肩欲弑王而立王弟克辛伯告王王殺周公王弟克奔燕出左傳及史紀。四年王姬歸于齊使魯主昏魯人築館于其外出左傳。十二年齊小白歸國是為相公用管仲為相遂霸諸侯出左傳。十五年崩外紀不詳年子胡齊立

釐王

諱胡齊莊王之子也

元年齊相公會諸侯于北杏遂人不至齊人滅遂出左傳。十二年齊相公會諸侯為盟主相公用管仲為政四

周紀

相公作內政正塩筴

民不使雜處制國為二十一鄉作內政而寄軍令謹正塩筴相公專任管仲號曰仲父國事皆令問仲父故管仲得以盡其於故能九合諸侯不以兵車成霸功者管仲之力也出論語及管子

恕曰管仲之書大抵審輕重法術持度量權衡以籠天下之權致隣國之弱盡地利以成富彊完兵械以臨不服仗王室之威為諸侯之長其術類商鞅其言如韓非其寬厚曠大則過之固非王者之佐矣管仲之德蓋不及其才也

釐王在位八年崩外紀不詳年

惠王

諱闔釐王之子也

元年初莊王愛少子子頹有寵欲立為太子而不克至是大夫邊伯五人怨惠王召燕衛伐周王出奔温居于鄭燕衛及諸大夫立頹為王於是鄭伯號公嫫同謀帥師伐周殺子頹奉惠

子頹有寵

五十九

五十四

三

魯閔
僖二
公立

王歸周王予虢公酒泉名鄭伯由是始惡王以上參用左傳史記文出左莊十九
二十一年。十年賜齊侯命且謀伐衛以其立子頹也出左莊二
命為侯伯衛立子頹在前王追怨衛故伐。十六年魯閔公元年也。晉獻公作二軍
公將上軍太子將下軍。十八年魯僖公元年也。狄伐邢齊相
公帥師救邢遷邢于夷儀以上並出左傳。二十一年齊相公伐楚責
其不供王祭楚子使屈完乞盟于召陵出左傳。四年。在位二十六年
崩外紀不。子鄭立。

襄王

諱鄭惠王之子也

相公
葵丘
之會

元年齊相公會諸侯于葵丘王使宰孔致胙于齊相公使無下
拜相公曰天威不遠顔咫尺乃下拜登受胙祭肉也拜於堂下
九年。八年王以戎難告齊齊相公使諸侯成周曾僖公十二年
王室。九年相公卒初惠王少子叔帶有寵惠后欲立之而不
之難。

周紀

狩于
河陽

克叔帶欲與戎狄伐周王知之將誅叔帶叔帶奔齊左惠王三
魯僖公。十七年狄人奉叔帶伐周王出奔鄭狄人立叔帶為
王是時晉文公始返國敗楚師于城濮王告急于晉晉文公帥
諸侯伐周而殺叔帶奉王歸周王賜文公為侯伯出左僖公史
公珪曾弓矢為。二十年晉文公召王會之河陽踐土諸侯畢
伯及河內之地。朝出史紀春秋諱之書。二十六年魯文公元年也在位二十
四年崩外紀不。子壬臣立出史。

頃王

諱壬臣襄王之子也

三年魯叔孫得臣敗狄于鹹獲長狄三人出左文。在位六年崩
外紀不。子班立出史。

匡王

諱班頃王之子也

三年使甘歆敗戎于邠垂出語其邑。四年魯宣公立在位六年崩外紀不弟瑜立是為定王出史

定王

諱瑜匡王之弟也

楚莊
始霸

楚子
問鼎

魯成
公立

元年楚莊王始霸楚本子爵夷王之世已僭稱王厲王暴虐乃去王號東遷之後王室微弱遂僭稱王楚世家。三年楚伐陸渾之戎觀兵于周郊左傳王使王孫滿勞之楚子問鼎之大命未改鼎之大小未可問也楚子羞懼而退左傳。宣三年。十年楚莊王伐鄭晉荀休父帥師救鄭楚大敗晉師于邲出左。十七年魯成公元年也。十八年晉卻克以齊侯侵逼魯衛遂請於晉侯帥師伐齊以救魯衛大戰于鞍齊師敗績出左。八年成王在位二十二年崩外紀不子夷立出史

周紀

簡王

諱夷定王之子也

吳始
通晉

巫臣
怨楚

元年伊洛之戎侵宋。晉遷都于新田謂之絳以絳為故絳出並。元年二年吳始通于晉初太王長子太伯讓位季歷自竄於荆蠻荆蠻之人義而從之自號句吳武王克殷封太伯之後於吳至十九世之孫壽夢其國始大以上參用。先是楚莊王伐陳陳夏徵舒之母夏姬色甚美莊王欲取之申公巫臣諫止之楚令尹子反亦欲取之巫臣又諫子反亦不敢取夏姬鄭女也巫臣使之歸鄭巫臣奉命聘晉遂過鄭取之以行子反以為賣已遂族誅巫臣之家巫臣怨楚晉楚世為仇敵巫臣請於晉侯乞通吳于晉合力以牽制楚師於是晉使巫臣聘吳巫臣乃教吳車戰使之伐楚楚於是始疲於奔命出左成二。十一年魯成公十六年也鄭叛晉即楚晉欒書奉厲公伐鄭楚來救晉與楚戰于

晉悼公立復為霸王

魯襄公立

和戎五利

鄢陵大敗楚師射楚子中目楚殺其令尹子反遂退師出左成十六年
○十三年晉悼公立悼公年方十四而其賢明乃命百官施舍已責速鰥寡振廢滯匡困乏救災患禁淫慝薄賦歛宥罪戾節器用時用民使魏魴魏頡趙武為卿凡六官之長皆民譽也卒不失職官不易方爵不踰德旅不逼師民無謗言所以能復霸也出左成十八年
○十四年魯襄公元年也在位十七年崩外紀不子
泄心立出史

靈王

諱泄心簡王之子也生而有髭

元年晉荀瑩帥諸侯大夫會于戚遂城虎牢出左哀二年文水城虎牢以逼之三年無終子嘉父使孟樂如晉因魏絳請納虎豹之皮以和戎晉悼公曰戎狄無親不如伐之魏絳曰諸侯新服陳新來和將觀於我我德則睦否則携貳因陳和戎有五利晉侯乃

周紀

孔子生

季札觀樂

子朝之亂

使魏絳盟諸戎十年鄭人賂晉以歌鍾罍磬女樂悼公以其半賜魏絳曰子教寡人和諸戎狄以正諸華九年之中如樂之和無所不諧請與子樂之出左哀四年
○二十一年孔子生出史
在位二十八年崩外紀不子貴立出史

景王

諱貴靈王之子也

元年吳使季子聘于魯請觀周樂魯人為奏六代之樂出左哀九年
○四年魯昭公元年也。十八年太子聖卒王少子朝出史
有寵王欲立之未果在位二十八年崩外紀不子貴立出史
立王次子猛為王子朝因舊官百工之喪職秩者帥要餞之甲以逐劉子劉子奔楊單子奉子猛于莊宮子朝之徒夜使人取猛以歸單子出奔子朝之徒奉王猛以追單子晉人帥師納王猛于王城王猛卒諸大夫奉王猛母弟丐為王出左昭二十三年

敬王

諱丐景王之子也諸大夫立為王子朝尚據王城敬王不得入晉師與諸大夫攻之

敬王入

吳伐楚入郢

元年周大夫尹氏立子朝為王單子劉子與晉師攻之未克。二年子朝帥師出攻諸邑皆克。四年晉師及劉單之師進攻克之子朝出奔楚故王入于王城以上出左昭二十三年。十一年魯定公元年也。十四年吳伐楚入郢初蔡昭侯朝楚文子蔡叔之後楚令尹子常不加禮而求賂昭侯怒之以其子為質於吳乞師伐楚於是吳王闔廬子爵稱王也與蔡侯唐侯伐楚子常禦之三戰子常知不可欲奔再戰又敗子常奔鄭吳師五戰及郢楚都楚昭王出奔于隨吳人入郢處于王宮穀梁傳初伍員與申包胥為友皆楚人也伍員父為楚平王昭王所殺負奔吳與包胥別負曰我必復楚包胥曰我必復之伍員既奔吳遂導吳伐

周紀

申包胥伐楚

孔子為魯司寇

楚既入郢遂鞭平王之尸包胥乃如秦乞師秦伯使就館包胥依於庭牆而哭日夜不絕飲食不入口七日秦哀公為之賦無衣乃為之出師申包胥以秦師至遂敗吳師吳師乃歸昭王復以上出左定三年四國年及史伍子胥傳。十六年子朝之徒作亂王出奔於晉出史記及左定六年。十七年晉侯帥師納王王入于王城出左定七年。二十四年吳闔廬伐越為越所敗重創而死其子夫差立誓於復讎出史吳。三十四年孔子由魯司寇攝相事其初人謗曰麇裘而鞞投之無戾鞞之麇裘投之無郵三月政成化行民誦之曰衮衣章甫實獲我所章甫衮衣惠我無私出家。怨曰子產從政一年輿人曰孰殺子產吾其與之三年誦之曰子產而死誰其嗣之孔子為司空司寇得政已數年攝行相事民謗之三月而後誦之彼一賢一聖猶得民若此之難也後之為政善惡興於愛憎之口毀譽出於狡獪之吏非至

越吳入


爭長

卒孔子

當論也

二十六年魯哀公元年也夫差伐越敗越於夫椒遂入越越其先夏禹之後也封於越為諸侯越子勾踐既敗以甲楯五千棲于會稽使大夫種行成於吳夫差將許之以上參用史伍員諫曰不可勾踐能親而務施施不失人親不棄勞與我同壤而世為仇敵鮪作於是乎克而弗取將又存之違天而長寇讎後雖悔之不可及已飯餽姬之衰也日可俟也介在蠻夷而長寇讎以是求伯必不行矣弗聽退而告人曰越十年生聚而十年教訓二十年之外吳為沼乎出左哀元年。三十八年吳夫差與晉侯相會於潢池爭長以上參用史記文吳人曰於周室我為長晉人曰於姬姓我為伯晉司馬寅曰夷德輕請待之謂吳在荆蠻即夷也乃與之先出左哀十三年。四十一年孔子卒出左哀公。怨曰包犧以來聖王興利知者創物生民日用資而仰之然

周紀



其祠冢苗裔自天子至于庶人莫不宗奉歷千餘年未有如孔子之盛者豈非君臣父子仁義禮樂之教雖蠻貊之邦不可斯湏捨乎

王在位四十四年崩外紀不子仁立

元王

諱仁簡王之子也

越滅

吳

越王

嘗膽

元年越侵楚楚追越師至宣不及乃還秋楚伐東吳東夷越與國也。三年越伐吳滅之初越勾踐為吳所敗棲于會稽使大夫種行成于吳吳王許之勾踐反國乃苦身焦思置膽於坐卧即仰膽飲食即嘗膽身自耕作夫人自織折節下賢厚遇賓客振貧吊死與百姓同其勞苦二十餘年其民生長可用乃以伐吳吳王兵敗棲于姑蘇吳使人行成請曰孤臣異日得罪於會稽孤臣不敢逆命得與君王成以歸今君王誅孤臣孤臣意者亦欲如

會稽之赦罪勾踐不忍欲許之范蠡曰會稽之事天以越賜吳
吳不取今天以吳賜越越其可逆天乎且君王早朝晏罷非為
吳耶謀之二十年一旦棄之可乎且天與不取反受其咎吳王
乃自殺勾踐既敗吳乃以兵北渡淮與齊晉諸侯會于徐州致
貢于周元王使人賜胙命為伯諸侯畢賀並出國語及史越世家元王在
位九年崩外紀不壽年子介立

貞定王

諱介元王之子也

元年魯哀公欲以越去三桓不克遂遜于邾出左哀二十七年三桓叔孫仲孫季孫
也○十一年初晉有智氏趙氏韓氏魏氏范氏中行氏號為六
卿六卿彊而專權晉侯卑弱不能制是歲智伯與韓趙魏共滅
范氏中行氏而分其地出史晉世家○十三年智伯又約韓魏共伐
趙趙襄子知之守備已具智伯與韓魏攻之凡三年不能克襄

周紀

子使人告韓魏韓魏乃反攻智伯滅之與趙共分智伯之地出史又參見史晉世家○十六年初齊相公之世陳公子完得罪於陳而奔
齊齊相公使為工正陳舜之後也武王封於陳為諸侯完奔齊
更姓田子孫盛多其後齊亂公室卑弱諸大夫自相爭奪權歸
田氏田氏好施以家量貸於民而以公量收之家量大斗小斗民皆公量
戴之國內多篡弒立君皆由田氏有田恒者弒齊簡公恒之子
盤號襄子為齊相至是與三晉韓魏趙也通使盡以其兄弟宗人為
都邑大夫出史田敬仲世家及左莊哀哀三公文多不同○二十五年秦伐義渠虜其
王韓魏共伐伊洛陰戎遺脫者皆西走踰汧隴自此中國無戎
寇惟有義渠一種秦紀見王在位二十八年崩外紀不壽年子去疾立
三月弟叔襲殺去疾而自立是為思王立五月少弟嵬攻殺思
王而自立出史本紀

考王

中國
无戎
寇

諱鬼貞定王少子也

元年是歲晉幽公立止有絳曲沃二邑餘皆入於韓趙魏出史

家王在位十六年崩外紀不壽年子午立出史

恕曰孔子作春秋筆削美刺游夏不能措一辭魯太史左丘明以仲尼之言高遠難繼爲之作傳後之君子不敢紹續焉左氏據魯史因諸侯國書繫年敘事春秋之所貶損其事實皆形於傳後漢獻帝以班固漢書文繁命荀悅依左傳體爲漢紀自是袁宏張璠孫盛干寶習鑿齒以下並爲編年之書本朝去古益遠書益繁雜學者專尚西漢書博覽者乃及史記東漢書近代士頗知唐書自二國至隋下逮五代懵然莫識恕皇祐初奉進士試禮部爲司馬公門生侍大儒得聞餘論公脩資治通鑑恕爲屬吏自念平生事業無一成就因取諸書以國語爲本編通鑑前紀又以不編後紀乃更曰外

周紀

紀猶國語爲春秋外傳之義而病眼病 不寐不食陶潛預爲祭文杜牧自撰墓誌夜臺甫爾歸 如飛聊叙不能作前後紀而爲外紀焉他日公爲前後紀則可刪削外紀之煩冗而爲前紀以備古今一家之言恕雖不及見亦平生之志也

重新校正集註附音資治通鑑外紀卷之四

光緒十九年歲在昭陽小荒蕪灘縣高氏韓繪居據元槧本景鈔

